

cate carnem meam, et bibite sanguinem meum? Sed ista infantilia verba tegebant virtutem ipsius: virtus enim in barba intelligitur.

Cæterum, quod David non peccaverit, dum se insanum simulavit, inter alios sustinet Abulensis, q. 26: quia ad hoc faciendum videtur David motus fuisse a Deo qui dedit ei immobilitatem seu constantiam, ut in eo non appareret aliquod signum timentis, sed insanientis; unde ubi mox recessit ab Achis rege, venit super eum Spiritus propheticus, et compositus psalmm XXXIII Benedicam Dominum in omni tempore, etc., ac proinde videtur Deus factum illius approbasse; quod consequenter malum esse non poterat.

Præterea David impingens in ostia, aliasque actiones deliras faciens, proprie non fingebat se esse stultum; sed solum non ostendebat se talem esse, qualis erat, et hoc ad salvandam vitam, idque sine prejudicio alijcujus.

Itaque quod aliquis in verbis mentiatur, non licet homini pro conservanda vita, sive juste sive injuste eam amittere deberet: quod tamen gestu vel habitu quispam per aliquam exteriorem effigiem, sine verbis, aliam quasi personam induat, non videtur illicium, si id fiat ex causa urgenti et rationabili.

Ratio hujus est, quod mendacium non tam facile committatur factis quam verbis: verba enim sunt proprie instituta ad significandos mentis conceptus, et determinatam significationem habent; factis autem lata et indeterminata magis inest significatio.

Sic, v. g., mentiretur Belga, qui ad evadendam mortem, diceret se esse natum in Polonia; non item si ex simili causa vestem polonicam assumeret: alijquin mendacii arguendi essent viri ecclesiastici et religiosi, qui in partibus hereticorum seculari ueste utuntur, ut securius lateant.

Sic non est mentitus Josue, dum finxit se pavidum fugere cives Hai, ut eos ex urbe eliceret et mactaret: mentitus tamen fuisset, si verbis dixisset eis: Nos metu vestri fugimus. Et Gedeon, dum cum 300 sociis, complosione lagenarum et effulguratione lampadum finxit se copiosum habere exercitum, ut innuera quodammodo Madianitarum agmina terrore percellet, mentitus non fuit; fuisset tamen, si verbis dixisset, non parvam sibi esse militum copiam.

Dices: Juxta D. Thom. 2a, 2æ, q. 111, a. 1, θ: *Ad virtutem veritatis pertinet, ut quis talem se exhibeat exteriorius per signa exterioria, qualis est; signa autem exterioria non solum verba, sed etiam facta. Sicut ergo veritati opponitur, quod aliquis per verba exterioria aliud significet, quam habet apud se, quod ad mendacium pertinet: ita etiam opponitur veritati, quod per aliqua signa factorum vel rerum aliquid significet contrarium ejus, quod in eo est; quod proprie simulatio dicitur.*

Unde simulatio proprie est mendacium quoddam in exteriorum signis factorum consistens. Non refert autem utrum aliquis mentiatur verbo, vel quocumque facto. Atqui David per signa exterioria aliud se simulavit, quam a parte rei erat; ergo mentitus fuit.

R. Neg. min. Nam, ut ex dictis patet, David non

significavit falsum, sed tantum occultavit verum: siquidem quod salivam indecorum sineret diffluere, in ostia impingeret, etc., totum fecit volens occultare quis esset. Unde etiam ipse D. Thom. ibidem in resp. ad 2 satis declarat, se non comprehendere factum Davidis: et in resp. ad 1 diserte admittit, quod non omne quod singitur, aut simulatur (utique in factis) mendacium sit. Itaque juxta D. Thom. illa sola simulatio est mendacium, qua quispiam per aliqua signa factorum vel rerum significat contrarium ejus, quod in eo est; ut dum qui iratus est, rebus aut factis exterioribus significat se placatum; qui inimicus, amicum, etc.

Cap. XXII et XXIII rursus narrantur variae Davidis fugæ, circa quas cum nihil notabile occurrat, de eisdem hic non tractamus.

CAP. XXIV, XXV, XXVI, XXVII.

David latens in spelunca Engaddi, oram chlamidis Saülis abscondit, sed illæsum abire permittit: deinde cibaria petens a Nabal, contumeliose ab illo repulsus, jurat se eum cum suis occisurum: Saül dormient hastam et scyphum tollit: tandem inconstantie ejus fidet non ausus, ad Achis regem Geth revertitur, et continuo prædatum excurrat in hostes Israelis.

QUESTIO PRIMA. — AN DAVID LICITE POTUERIT OCCIDERE SAÜLEM.

Cap. XXIV, 4: *Porro David et viri ejus (qui jam ad sexcentos accreverant) in interiori parte speluncæ latebant: Davidem a Saüle visum non esse, mirum non est: erat enim, ut Aug. lib. XVII de Civ. Dei, cap. 6, loquitur: Tenebroso occultatus antro, quo etiam Saül intraverat. Dixerunt autem commilitones Davidis ad eum, §. 5: Ecce dies, de qua locutus est Dominus ad te: Ego tradam tibi inimicum tuum, ut facias ei sicut placuerit in oculis tuis. Dicunt doctores communiter, inquit Lyranus, quod hoc fuerit Davidi dictum, quando fugiens venit ad Samuelem, cap. XIX. Forsan etiam ipsimet Davidi, utpote propheta, id Deus revelaverat immediate; quasi diceret: Non est, cur desperes te posse evadere manus Saülis; ego potius illum tradam in manus tuas, ut in eum quidquid libuerit, facere possis: quæ verba videtur David quibusdam commilitonibus suis declarasse, ut illos confirmaret et animaret.*

Sed hinc suboritur ratio dubitandi, an ergo licuerit Davidi Saülem interficere, sive an verbis illis data fuerit ei potestas a Deo, Saülem sine peccato occidendi.

Opinionem affirmativam tenet Cajetanus, et vult Davidem hoc maxime casu, quo illum ad necem hostiliter quererebat Saül, anteverttere potuisse facinus, et violentum injustumque invasorem de medio tollere. Similiter alii censem, licuisse Davidi Saülem occidere, inquit A Lapide, ex eo quod S. Thom. ac alii doceant, invasum posse prævenire invadentem, etiam si nondum accedat, sed instructus sit ad invadendam.

dendum, si aliter non possit mortem evadere, nisi præveniendo: talis autem erat hæc invasio, quam assidue David sustinebat a Saüle, ut naturaliter non posset mortem effugere, nisi eum præveniret. Ita A Lapide.

Altamen cum, ubi S. Thom. similia doceat, non assignet: non est verisimile, ejusmodi dogma ab illo tradi; præsertim cum ex iis, quæ habet doctor Angelicus 2a 2æ, q. 64, a. 7, tantum probabiliter concludi possit, licitum esse occidere eum qui actu vitam iniqvæ invadit. Porro ad quæstionem propositam

R. et dico cum Abulensi, Saliano, Estio, aliquis, quod non licuerit Davidi Saülem interficere.

Prob. I. Quia nemo melius intellexit illa verba Domini ad Davidem, quam David ipse, cui dicta sunt; atqui tamen ille non sic intellexit ea, quasi sibi liceter Saülem, oblate occasione, interficere: nam ab hac occisione, quasi a re turpi, abhorruit dixit §. 7: *Propitius sit mihi Dominus, ne faciam rem hanc; id est, Deus tollat a me potestatem et voluntatem hoc faciendi.*

Prob. II. Quia neque regia auctoritate, nisi post Saülis mortem, neque alia in Saülem jurisdictione fungi poterat David. Sed neque debebat latens in speluncæ, ibique quietus remanens, censeri actu invadi a Saüle; nam tutus jam erat ab illius manibus. Unde prævenire invadentem tum temporis, non fuisset inculpata sui tutela seu defensio, sed hostilis et non necessaria domini sui invasio.

Addi posset, quod nec oram quidem chlamidis regiae præciderit David, nisi conscientia postea remordente, ut patet ex §. 6: quanto minus igitur existimasset sibi licere Saülem interficere?

Sensus itaque Scriptura supra adductæ est: Tradam tibi Saülem, hostem tuum, in manus tuas, tu considera, an placeat illum interficere: neque enim propterea licebat Pilato Christum interficere, quod illi potestas data esset desuper, ut habetur Joan. XIX: nam verba hujusmodi solam potestatem physicianam significant, qualem habet vigilans in dormientem, vel armatus et liber adversus illum qui inermis est et vineulis constrictus.

Dices: S. P. Aug., lib. cont. Adim., cap. 17, ita scribit: *Certe inimicum et persecutorem suum, nimis ingratum et nimis infestum, Saülem regem accepit David in potestatem, ut ei faceret quod vellet, et elegit parcere potius quam occidere. Non enim erat Iesus occidere, sed neque prohibitus: imo etiam divinitus audiebat, se impune facere quidquid vellet inimico: et tamen tantam potestatem ad mansuetudinem contulit.*

R. Quod S. Doctor dicat: *impune, et non, justæ, imo addit: Ecce ille bellator implevit præceptum Christi, quod accepimus, ut diligamus inimicos.* Per quod significare videtur, Davidein alioquin transgressurum fuisse præceptum de diligendis inimicis. Quod autem dicat: *Neque occidere fuit prohibitus, intellige de prohibitione speciali et expressa, quamvis generali lege hoc esset ei vetum.*

Nec obstat, quod subjungat Aug.: *Dicatur mihi, S. S. XXVI*

quem timuit, cum interficere noluit? Nec hominem possumus dicere timuisse, quem acceperat in potestatem; nec Deum qui dederat, cum tamen revera Deum timere debuisset, si hæc occisio ejus præcepto fuisset adversa. Enimvero paulo infra dicit: *Dedit (Deus) in potestatem inimicum, quem nondum volebat occidi.* Adeoque de potestate impune occidendi intelligi debet, sic ut per ejusmodi occasionem Davidi poena timenda non esset. Hinc S. Doctor, lib. de Spiritu et Lit., agens de eadem potestate, comparat potestatem quam acceperat David occidendi Saülem, potestati quam habebat Pilatus interficiendi Christum.

QUÆSTIO II. — QUÆDAM ALIA RESOLVUNTUR.

Petes 1. quæ fuerit causa, cur indoluerit David, postquam absciderat extremitatem chlamidis Saülis.

R. Putat Abulensis Davidem ideo indoluisse, quod surrexisset et ivisset ad Saülem, eo animo ut illum occideret, non autem ut extremitatem pallii ejus regalis tantum abscinderet; sed Deum in hoc facto ei cor immutasse, ut de voluntate hac, quamvis non plene deliberata, doleret et peneriteret David, et hoc significari illis verbis, cap. XXIV, 6: *Percussit cor suum David.*

Verumtamen huic opinioni videtur adversari, quod textus sacer post illa verba: *Percussit David cor suum* (id est, remordit eum conscientia), statim subjungat: *Eo quod abscidisset oram chlamidis Saül.* Hujus ergo abscissionis pœnituit Davidem, non de voluntate occidendi, quam absolute nunquam habuit.

Hinc pariter habent LXX: *Percussit David cor suum, quoniam abstulit alam diploidis ejus.* Et Paraphrasis chaldaica: *Doluit David in corde suo, eo quod abscidit alam, quæ Saüli.*

Nec aliam pœnitudinis causam assignat S. P. Aug., lib. XVII de Civ. Dei, cap. 6, et lib. II cont. lit. Petiliani, cap. 48, dicens de Davide: *Eum (scilicet Saülem) propter sacrosanctam unctionem, et honoravit vivum, et vindicavit occisum, et quia vel panniculum ex ejus ueste præscidit, percuso corde trepidavit.*

Conscientia ergo Davidem remordit, quod ausus fuisset regis et domini sui Saülis uestem concindere, atque ita majestatem regiam temerare: quia in hoc, inquit Lyranus, fecerat irreverentiam Saüli, qui honorandus erat, quamdiu in regno tolerabatur a Deo.

P. 2. an peccaverit David, dum cap. XXV, 22, juravit se Nabal cum omnibus suis occisurum, eo quod nimis hic ipsi negasset cibaria, et convitia ac maledicta contra eum retulisset.

R. affirmative; et magis peccasset, si juramentum re ipsa implevisset: nam in domo Nabal erant multi, uno ipso excepto, reliqui innocentes: nam responsum ejus insulsum et indiscretum servis ejus displicerat; unde illud ad uxorem ejus Abigail retulerunt, ut ipsa illud corrigeret; ut patet ex §. 14 et 15. Juravit ergo David et ex impetu juvenili, et fervore militari; sed ad se rediens, manum a cæde cohibuit.

Hinc monet S. P. Aug., lib. cont. Mendac., cap. 9, quod non singula virorum, qui in Scripturis laudantur, facta nobis imitationis proposta: *Ne violenmus præ-*

(Vingt-sept.)

repta, inquit, dum passim sectamur exempla. An vero inuitavit David, se occisum esse Nabal, et clementi consideratione non fecit, propterea illum imitandum esse dicemus, ut temere juremus nos esse facturos, quod non esse faciendum, postea videmus?

P. 3. quo jure David irruerit promiscue in Amalecitas, aliasque gentes, ut dicitur cap. XXVII.

R. quo jure de Amalecitas prædas ageret David; immo et promiscuas cedes, nullo sexus aut ætatis discrimine servato, exerceret, non est intellectu difficile: Deus enim illos omnes occidi jussérat, supra, cap. XV, 3. Item Exod., XVII, 16, dicitur: Bellum Domini erit contra Amalec a generatione in generationem; hoc est, in perpetuum: potuit igitur David illam gentem vastare jure belli.

Quoad ceteros populos, jus habuit ex lege Deuter. XX, 17, quæ jubet omnes incolas terræ, Israëlitis a Deo promisse, etiam parvulos ac feminas occidi, eorumque bona diripi.

Dices: David haec non erat absolutus princeps aut rex; ergo penes ipsum non erat jus indicendi aut movendi bellum.

R. quod hoc non obstante, equidem esset dux et chiliarcha, constitutus a Saüle, contra inimicos populi Israel: et quamvis Saül Davidem odisset ac persequeretur, gratum tamen et ratum habebat, tum Saül, tum omnis populus, quod David communes hostes interficeret et opprimeret, quos ipsi magno labore et periculo subjugare debuissent. Ita Cajetanus, Abulensis et alii.

Dici quoque potest cum Saliano, Davidem etiam speciali jure et instinctu divino hæc fecisse: nam et habebat secum Abiathar sacerdotem, per quem divinum oraculum cōsulebat, antequam iret ad pugnam; ut ex cap. XXX patet.

P. 4. an sit necesse admittere, Davidem fuisse mentitum, dum, cap. XXVII, 10, interrogatus a rege Achis: In quem irruisti hodie? respondit: Contra meridiem Judæ; quasi significasset, se contra Judæos meridionales excurrisse.

R. verba Davidis sine mendacio sic exponi posse: rrui contra Philistæos aliosve socios eis confederatos, qui erant ad meridiem Jude; etiamsi rex ejus responsum non sic acciperet, sed in alia significatione: nam ex causa legitima ut licet sermone ambiguo, modo sensus verus, in eo contentus, intendatur.

CAP. XXVIII, XXIX, XXX, XXXI.

Saül, divino responso destitutus, instante prælio, per pythonissam jubet suscitari Samuelem. Rex Achis Philistæos Davidem sibi comitem ad pugnam assūmit; sed contradicere ibus satrapis pedem referre cogitur. Absente cur suis Davide, Amalecites urbem Siceleg invadunt, spoliant, et succendent. Saül vulneratus a sagittariis, ne incircuncisorum ludibriis afficiatur, proprio gladio incombens, seipsum interficit.

QUESTIO PRIMA. — AN VERUS SAMUEL HIC CAP. XXVIII SUSCITATUS FUERIT, AN VERO DÆMON SUB EFFICTA SAMUELIS LARVA VEL UMBRA APPARUERIT.

Nonnulli veteres, quibus non satis perspecta fuit

auctoritas lib. Ecclesiastici, censem fuisse Samuelem phantasticum, et larvam illusionemque diaboli, puta dæmonem in specie Samuelis. Ita arbitratur Tertull. lib. de Anima, cap. 57.

Quod ita etiam censeant Procopius, Eucherius, ac Beda in cap. XXVIII lib. I Reg., affirmat A Lapide in cap. XLVI Ecclesiastici: attamen Eucherius, lib. I, cap. 29, ubi præsentem questionem tractat, nihil affirmat; sed verba S. Aug. de hac re disputantis unice refert.

Insper, quemadmodum observat Estius, auctor Quesitionum Veteris ac Novi Testamenti apud S. Aug., q. 27, omnino contendit, non ipsum Samuelem, sed in ejus persona malignum spiritum apparuisse. In eadem sententia est auctor librorum de Mirabilibus S. Scripturæ. Et ex his libris, falso Aug. nomine diu publicatis, decepti multi idem secuti sunt. His positis,

R. et dico: Vere hic apparuit anima Samuelis, non vi incantatrix pythonissa, sed Deo ita volente, in corpore aereo assumpto, quale assumunt angeli, dum hominibus apparent.

Prob. I. Quia Ecclesiast. XLVI, inter alia ad commendationem Samuelis spectantia, ita legitur y. 23: Et post hæc dormivit, et notum fecit regi, et ostendit illi finem vitæ suæ, et exaltavit vocem suam de terra in prophetia delere impietatem gentis. Ubi Scriptura sacra hanc ultimam et maximam laudem dat Samueli, quod post mortem prophetaverit, seu exaltaverit de terra vocem suam in prophetia. Porro hæc in laudem Samuelis non dicentur, si per diabolum gesta fuisse, ut notat Estius: enimvero potius ingens probrum et dedecus fuisse Samueli, si ejus umbra et forma, usurpata a dæmoni, servisset pythonissæ, ejusque magia et incantationi. Unde et Tirinus ita scribit: Dubitare, an verus fuerit Samuel saltē secundum animam, pene temerarium jam putarim: cum Ecclesiast. XLVI diserte dicatur: Post hæc dormivit, etc.

Notari etiam meretur Pauli Burgensis reflexio apud Lyranum, quod de uno eodemque supposito Scriptura dicat, quod qui dormivit notum fecerit regi: atqui qui dormivit fuit Samuel, non diabolus; ergo et qui notum fecit regi, fuit Samuel.

Igitur ante omnia hac in re audienda est Scriptura ipsa, quæ alio loco manifestiori, scilicet Ecclesiast. XLVI, hanc questionem satis dissolvere videatur. Et hinc secundum D. Thom. 1. p. q. 89, a. 8, ad 2, tantum negari potest Samuelem apparuisse, si auctoritas Ecclesiastici non recipiat: jamvero juxta decretum concil. Trid. sess. 4, liber Ecclesiastici inter canonicas Scripturas recipiendus est; ergo, etc.

Verba Doctoris Angelici sunt: De Samuele dici potest, quod ipse apparuit per revelationem divinam, secundum hoc quod dicitur Ecclesiastici XLVI...; deinde subiungit: Vel illa apparitio fuit procurata per dæmones, si tamen Ecclesiastici auctoritas non recipiat proper hoc, quod inter canonicas Scripturas apud Hebreos non habetur.

Eamdem sententiam contrariae prefert 2a 2x,

q. 174, a. 5, ad 4, ubi manifeste dicit: Etsi voluntate Dei ipsa anima Samuelis Saüli eventum belli prænuntiavit, Deo hoc sibi revelante... nec obstat quod arte dæmonis hoc dicitur factum: quia etsi dæmones animam aliquius sancti evocare non possint, nec cogere ad aliiquid agendum, potest tamen hoc fieri divina virtute, ut, dum dæmon consulitur, ipse Deus per suum nuntium veritatem enuntiet, sicut per Eliam veritatem respondit nuntius regis, qui mitabantur ad consulendum deum Accaron, ut habetur IV Reg. I. Ita Doctor Angelicus.

Subtiliter etiam observat Lyranus, quod si ex damnato Saüle inferatur apparuisse dæmonem, eadem ratione in oppositum ex Jonatha, viro bono et perfecto, inferatur apparuisse Samuelem; quia Jonathas, qui cum Saüle interfectus est, talis in Scriptura exhibetur, ut in partem sanctorum censeatur receptus.

Obj. II. Umbra, quæ Saüli apparuit, obedivit pythonissæ ejusque magia, atque per ejus incantationem ubi non alias nominatur, describitur, et loqui ac propheta significatur, quam Samuel propheta.

Prob. III. Quia id ipsum intelligitur ex ejus prophetia, qua is, qui appetit, graviter, vere, et severe Saüli mortem atque Hebreis cladem ob sceleris intentat, et vaticinatur: et quidem eum omnibus suis circumstantiis, que quemadmodum prædictæ erant, evenierunt; ita ut omnino dicendum appareat, quod hæc non fuerit conjectura, vel elusio diabolica; sed verissima prophétia, Deique oraculum.

Addi potest, quod huic sententiæ subscrivant pluti gravissimique auctores et patres, ut S. Ambros. in cap. I Lucæ, S. Hieron. in cap. VII Isaiae, Abulensis, Dionys. Carthus., Hugo cardinalis, Bellarmenus lib. II de Purgatorio, cap. 6, qui pro hac opinione etiam adducit S. Justinum Mart. in Dial. cum Tryphone, et S. Basilium Epist. 80: imo Tirinus inter alios citat Tertull. lib. III cont. Marcionem.

Prae reliquis autem eidem sententiæ suffragatur S. P. Aug., lib. de Cura pro mortuis, cap. 15, ubi ita scribit: Samuel propheta defunctus vivo Saüli etiam regi futura prædixit: quamvis nonnulli non ipsum fuisse, qui potuisset magicis artibus evocari, sed aliquem spiritum, tam malis operibus congruentem illius existiment similitudinem figurasse: cum liber Ecclesiasticus..., contineat in laude patrum, quod Samuel etiam mortuus prophetaverit. Sed si huic libro ex Hebreorum (quia in eorum non est) canone contradicuntur, etc.

SOLVUNTUR ARGUMENTA. — Obj. I. Qui Saüli apparuit, hic, cap. XXVIII, 19, dixit ei: Cras tu, et filii tu mecum eritis. Atqui Samuel receptus erat in limbum cum aliis patribus, et Saül descensurus erat ad infernum damnatorum; ergo videtur fuisse dæmon, qui ei consortium promisit.

R. Neg. conseq. ac dico, verba illa: Mecum eritis, etc., significare generatim et confuse locum, statimque defunctorum, non autem specialiter distinetque ejus receptaculum ac sedem. Sensus ergo est: Mortui eritis, et in commoni statu alterius saeculi.

Nec aliter hæc intellexit Saül: nam si id intellexisset de receptaculo sanctorum prophetarum, sive de limbo patrum, non parum potuissent hæc ipsum recreare: jam vero, testante Scriptura, Saül cecidit prorectus in terram; extinuerat enim verba Samuelis: ac consequenter ea non intellexit de limbo patrum. Unus S. P. Aug., lib. II ad Simplic., q. 3, id permittit

Obj. IV. Juxta S. P. Aug., lib. II ad Simplic., q. 3: In hoc facto potest esse alius facilior intellectus, et expeditior exitus, ut non vere spiritum Samuelis excitatum a regie sua credamus, sed aliquod phantasma, aut imaginariæ elusionem, diaboli machinationibus factam: quam propterea Scriptura nomine Samuelis appellat, quia solent imagines rerum, earum nominibus appellari, quarum imagines sunt. Ita S. pater.

R. quod S. P. ibidem in illa quæstione tantummodo disputative procedat, et utramque opinionem problematice proponat: libro autem de Cura pro mortuis, quem posterius scripsit, et re diligenter consi-